



Tuhaqtitjutikhaq



Nunavunmi Ilihariaakpaavik angiyuqqaq tikkuqaqtauyuq

IQALUIT, Nunavut (Qiqaiyaqvik 7, 2012) – Nunavunmi Ilihariaakpaavik Katimayit Kavamaliqiyit Hivuliqtulu, Eva Aariak, ublumi tuhaqtittiyut tikkuqaqtauyumut Michael Shouldice angiyuqqaangulikhuu ukunani Nunavunmi Ilihariaakpaavik (NAC).

“Mike havakpiakhimayait ilihariakyuuminirmut, ilihaqtut nunallaami Nunavunmi angikliyuumiyuq hitamani qulinik ukiunut naunaitkutami,” uqaqtuq Hivuliqti Aariak. “Inmi aghut havakpiarutingit hivuliqtiutjutingillu, uqauhullanut pitquhinullu, naguukpiaktut ikayuutiginiaqtaillu angiyuqqaanguluni ukununga Nunavunmi Ilihariaakpaavik.”

Mr. Shouldice havakhimmaaqpaktuq ilihariaakpaavikmi 1987-mit, ilihaqtittiyuuvlunilu uumingalu Kivalliq-mi Iliharvikyuangani atannguyakyuaq angiyuqqaanguqtinnani 9-ni atuqtuni tatqirhiutini. Ilauyuklu uumunga uyaraqhiurnirmut ayuiqhaiyuni katimayiinut Kivalliq Mine Training Society.

“Quvihuutigiyumayara Mike tikkuqaqtaungmat. Aghut havakpagait hakugikhiyuumivlugit pitjutikhat havaktauyanut havaakhanullu havakvikyuani naguukpiaktuq,” uqaqtuq Ministanga ukununga Nunavunmi Ilihariaakpaavik Daniel Shewchuk. “Iliharviupluta ihuaqtumik pitjutiqaqtugut hakugiktumik piluta uumunga Nunavutip angikliyuumiliktumut maniliurutikhanut.”

Nunavut atauhiinaq ilihariakyuuminirmut iliharvikyuuaq nunami ilihaqtiqaqhutik tamainnit 25-nit nunallaanit. Havaktauyakhat pivagait inirniit ilihaqtitivlugit uumunga hitamanut ukiuni naunaitkutikhaniknirmut ilihautimingnut. Iliharvikyuuaq pitquyahimayuuq katimayiinut kavamaliqiyinit.

“Mike naunaikhiyuq taimaa aatjikkiigutiqaqtuq akunngani ukiuqtaqtumi hivuraanilu ilihaqnirmut takuyumayainut hivumuuktittugu Inuit pitquhiit hivunngaiulikhutik pigiyaptingnut inirniit iliharyuomitjutinirmullu ilihautikhainut,” uqaqtuq NAC-kut Katimayinni Ikhivautaq Frank Pearce. “Mike ihuarikpiaktaat katimayit kavamaliqiyit ilihimayugullu inmi taimaa hivuliqtuniaqtuq iliharvikyuamut naguuyumik, hivumuqhutik naunaitkutakhanik tunihivlutik ilihaqtanginnut iliharvikyuanguvulutik.”

Mr. Shouldice tikkuarutaa qilamik piniaqtuq havakhimmaaqniaqtuqlu Kangiqliniq-mit.

###

Tuhaqtitjutikhanut Uqaqvikhaq:

Jamie Bell
Inungnut Tuhaktipkaiyit
Nunavunmi Ilihariaakpaavik
Hivayautaa: 867-857-8600
Qaritauyakkut: Jamie.bell@arcticcollege.ca

Emily Woods
Tuhaqtitjutikhanut Titiraqti
Havakvia Hivuliqtiuyup
Hivayautaa: 867-975-5059
Qaritauyakkut: ewoods@gov.nu.ca